

續修四庫全書



《續修四庫全書》編纂委員會編

續修四庫全書

上海古籍出版社

三五七・史部・編年類

皇明通紀法傳全錄二十八卷〔明〕陳建撰〔明〕高汝棡訂〔明〕吳楨增刪 皇明法傳錄嘉隆紀六卷

皇明續紀三朝法傳全錄十六卷〔明〕高汝棡輯

2277/07

皇明續紀三朝法傳全錄
皇明通紀法傳全錄
皇明法錄嘉隆紀

〔明〕高汝棡輯

〔明〕高汝棡訂
陳建撰
吳楨增刪

據浙江圖書館藏明崇禎九年刻本影印原書版框高一九九毫米寬二八六毫米

皇明法傳序

史雖辭事然兼道與
法而有之道脩其不
可見法則被於有所
成釋被於有所成僅
脩其不可見雖躬大
聖余必以爲欺天下
之人矣道寓於法則

道傳法不寓於道則

法不傳故六經論法
不如管韓之書明徵
定保則先上世之傳
人何也道不足也史
有二體若縱橫家之
相離也紀世之史裙
摭列朝之治亂疏別

當代之賢愚千里錯
伏自爲濬流如太史
遷史記之類是也編
年之史苞括百爲之
義類條貫一事之初
終四序順軌不失引
繩如侍中悅漢紀之
類是也史雖以紀世

爲正然編年者流覽
易入旨意爛然且
推道法襲乎春秋之
文故傳世等國朝
道彰而法鉅無劉
秘書五不可之疑然
求如太史鴻深高古
者渺同牧鼎之存卽

五志如侍中亦肅慎
之石罍矣鄭端簡吾
學一編潔體選言庶
幾太史流亞他則傳

序五

者惟陳氏通紀一書
而已嗚呼言動之紀
始於夏商起居之注
不廢唐宋今猶古也

詞臣飲食衎衎退卧
書局見聞雖秘禁而

不書他如羈竊放阨
之士博寡通方而所

序六

據又已淺書之亦無
有可以備法而彰道
者宜所傳之希也錢
塘高叟備取十五朝

行事而彙集之其爲
書大氏仿陳氏通紀
而續之然剗精剗采
於叟之功爲多嗚呼

序七

天下非可以一人欺
也余以法名官用一
切治民民猶淫法內
叟用一切治史史能

無佻法外叟得其道
而寓之法者歟抑以
法法而被之史卽爲
道被之民卽爲非道

序八

者歟余不知之矣
豫章文德翼題



法傳錄序

韓子云人不通古今馬牛而襟裾則博通尚矣第古之爲書也備如七十二史通鑑綱目諸書黎然具在

法傳錄吳序

苟篤摯明敏者一流覽有餘我朝國史未修實錄緘史牋不傳卽有傳者如大明會典皇明政要五倫全書殿閣詞林諸記義例

散出貫通維艱而 熹廟

實錄未成 神祖歷年多

事最繁劇固未有編年櫟

括者此博古易而通今難

也當世以經術鳴學士靡

法傳錄吳序

二

然顧化末流所漸誰能不

波執策而號于衆其于朝

家典章左祖不能百一矧

人情慕古賤今謂古文辭

猶益記誦正業之暇或旁

及諸史惟 國朝事實卒
弁髦視之有問茫不知對
者博古或有之通今殆鮮
也無暇遠舉卽 神廟朝
關白封貢事起舉朝謂

法傳錄吳序

三

祖訓絕其貢二百年來不
相通夫日本在 洪武初
年雖絕其貢 永樂以後
卽以金印詔書封其國王
每朝易位輒賜日字勘合

若干號六年一貢齎勘合
至 嘉靖十九年後倭中
自有國王州郡官長類如
朝鮮可考有指爲地方官
職皆以洪荒剗制未經締

法傳錄吳序

四

造者尤可笑四夷封略在
禮部客司卽石大司馬不
暇深考不知日本何國關
白何人則不通今之一驗
也 孝端皇后喪遣官訖

告儀部詢之內閣內閣查
舊例止給札不給勅張宮
簷在遣中左給諫移書曰
舊規有勅豈宮寮而止給
札者宮簷出書示儀部部

法傳錄吳序

五

曰旣無勅稿考昔 孝定
皇太后有遺詔可賞今以
聖諭儀部者騰黃賁往亦無
不可次日張以 皇明詔
令所載二勅稿示儀部部

以示閣始補勅以行夫一
以翰苑司綸扉一以玉堂
躋宗伯猶疎虞若此則博
古難而通今更難矣友人
高時翊出入三朝勤學好

法傳錄吳序

六

問博通今古其所師友正
人君子故甄別去取若奇
而正若嚴而恕若疎而覈
若朴而藻可稱良史昔孔
子作春秋爲尊親者諱又



爲賢者諱是以所見異詞
所聞異詞而自許以文則
史事則齊桓晉文義則取
自先生書諸臣事雖貴賤
不同在一時皆爲雄伯諸

法傳錄吳序

七

家文非金匱石室之藏則
名卿碩儒之製而其義無
所因襲無三諱無三辭其
亦知我罪我之旨乎雲間
史官吳 禎

謹書



法傳錄吳序

皇明法傳序

嘗聞人君鑪錘造化而皇
王帝霸悉入其鑑觀陶鑄
人群而善敗興亡莫逃其
燭照歷稽往牒未有舍憲

皇明法傳錄

一

章而綦盛治也故夫御者
視故輒而趨之則驅策簡
而取道疾鑿之能強生死
多得諸禁方夫英君誼辟
所爲美政嘉績驗之當年

而傳之來禩斯亦爲治者
之故轍禁方已我

朝之巍蕩跨蹊漢魏韜軼
唐宋煌煌異世一時也當
其免群生于左衽納百姓

皇明法傳錄

二

于休和守屏稱事草萊樂
業外閣不掩園土爲虛齊
民歲增闢土日廣窮廬之
君世服之夷莫不內首稟
朔廻面而受吏何致治之

盛乎良繇

祖宗銳志勵精劬勞日昃
于上諸臣箴闕采遺殫竭
蓋誠于下斥澆漓之浮說
庸仁義之讜論博思咨諏

皇明法傳錄

三

從諫納誨一時忠智之士
咸得發憤吐露于前內外
無倖曲之私文罔無深刻
之令吏有奉職循理之風
兵有居重馭輕之勢諸凡

典章明密品式周備莫不
可爲萬世法程方之二帝
三王寧復有遜心而政事
之美于是乎呼嵩祝釐旦
跪虎拜無

皇明法傳錄

四

九閭之隔焉是以陳東筦
編其要爲

皇明通紀若干卷而臣拭
因增訂之爲法傳錄惟是
區區之心以爲太空朗徹

雲霧滄則六合殊形止水
澄清沙礫溷則四方易位
況情封恒起滅卽本來睿
智安能保其常瑩欲竇忽
開迷縱早見通明未免汨

皇明法傳錄

于末路所望於萬斯年賡
舊章之詩軫爾祖之念其
道不易其政日新則
列聖之天下卽至今存何
不可焉嗟乎前事之不忘

後事之師也昔賢云以鏡
自照見形容以人自照見
吉凶今

聖天子上咸五下登三遊
意道德之途坐致熙皞之

皇明法傳錄

六

效苟其超然遠覽穆然深
維披嫩善于目前繹興隆
于掌上庶幾哉明符七曜
德契玄冥鴻圖如日之升
鶴筭與天無極而草野臣

芹曝之忠亦稍酬萬一矣
是書其容已歟

西湖逸民高汝栻謹書



皇明法傳錄

七

皇明通紀前編序

東莞臣陳廷堪

臣建往爲 皇明啓運錄述我 太祖高皇帝俊德成
功始終次第之詳矣宮端奉泉黃先生見之論又曰昔
漢中葉有司馬遷史記有班固漢書有荀悅漢紀宋中
葉有李燾長編皆蒐載當時累朝致治之迹以昭示天
下我 清自 太祖開基 聖子神孫重光繼照垂二
百禩矣而未有紀者子纂述是志盍併圖之以成昭代
不刊之典也建初辭焉愧乏三長何敢僭踰及此然竊
自念素性有癖焉自少壯時癖好博覽多識辭組歸山
前序

林日每繙閱我 朝制書洎邇來諸名公所撰次諸書
凡數十餘種積於胸中久之不能自制乃時時拈筆書
之取其有資于治可通爲鑑者編年次之參互攷訂正
其舛疑又久之不覺盈帙雖乏三長續貂荀李汗顏班
馬不計也夫自古國家莫不有創業垂統焉亦莫不有
持盈守成焉我 朝洪武開國四十餘年之事無非所
謂創業垂統焉啓運一錄備矣繼自 永樂下迄 正
德凡八朝一百二十四年之事無非所謂持盈守成也
則今通紀具焉紀成付梓非敢自謂昭代成史乃爲後
之秉筆君子屬稿云爾啓運錄舊已梓完難于再編改